

古文辭類纂評註

第十冊

碑誌類下編一

古文辭類纂評註卷四十一

桐城姚鼐纂集

韓退之曹成王碑

於年少未
任事前提
奉母字從
天子字逗
起忠孝學
數語以學
輔佐并後
辦賊方畧
俱攝方畧
標忠孝句
作骨立篇
案此下述
當官而絡
孝道以絡
其間綴綴
溫州賑饑
初出手政
績平袁賊
帶及袁賊
正叙慰母
盡孝

王姓李氏諱皋字子蘭諡曰成其先王明以太宗子國曹繼復封傳五王至成王成王嗣封在玄宗世蓋於時年十七八紹爵三年而河南北兵作天下震擾王奉母太妃逃禍民伍得間走蜀從天子天子念之自都水使者拜左領軍衛將軍轉貳國子祕書王生十年而失先王哭泣哀悲弔客不忍聞喪除痛刮磨豪習委己於學稍長重知人情急世之要恥一不通侍太妃從天子於蜀既孝既忠持官持身內外斬斬由是朝廷滋欲試之於民上元元年除溫州長史行刺史事江東新剋於兵郡旱饑民交走死無弔王及州不解衣下令搭鎖擴門悉棄倉實與民活數十萬人奏報升秩少府與平袁賊仍徙祕書兼州別駕部告無事遷真於衡法成令修治出張施聲生勢長觀察使噎娼不能出氣誣以過犯御史助之貶潮州刺史楊炎起道州相德宗還王於衡以直前謾王之遭誣在理念太妃老將驚而戚出則囚服就辯入則

以上一節
撮叙法下

此專叙湖
南降國良

帶完孝道
終事

此專叙討
希烈收復
諸州縣事
爲治兵主
筆

總括處筆
老

全節歸束
章法形勢

擁笏垂魚。坦坦施施。即貶於潮。以遷入賀。及是。然後跪謝告實。初。觀察使虐使將國良。往戍界。良以武岡畔。戍衆萬人。斂兵荆黔洪桂。伐之二年。尤張。於是。以王帥河南將五萬士。以討良爲事。王至。則屏兵。投良以書。中其忌諱。良畏乞降。狐鼠進退。王即假爲使者。從一騎。踔五百里。抵良壁。鞭其門。大呼。我曹王來受良降。良今安在。良不得已。錯愕迎拜。盡降其軍。太妃薨。王棄部。隨喪之河南葬。及荆。被詔責還。會梁崇義反。王遂不敢辭以還。升秩散騎常侍。明年。李希烈反。遷御史大夫。授節帥江西。以討希烈。命至。王出止外舍。禁無以家事關我。哀兵。大選江州。羣能著職。王親教之。搏力勾卒。羸越之法。曹誅五畀。艦步二萬人。以與賊還。嘖鋒蔡山。踣之。剜斬之。黃梅。大榱。長平。鑿廣濟。掀蘄春。撤蘄水。撥黃岡。策漢陽。行趾汴川。還大膊蘄水界中。披安三縣。拔其州。斬僞刺史。標光之北山。諧隨光化。拮其州。十抽一推。救兵州東北屬鄉。還開軍受降。大小之戰三十有二。取五州十九縣。民老幼婦女不驚。市賈不變。田之果穀。下無一跡。加銀青光祿大夫。工部尙書。改戶部。再換節臨荆及襄。眞食三百。王之在兵。天子西巡於梁。希烈北取汴鄭。東略宋園陳。西取汝。薄

俱控制有
撮收政績

末綴其子

妙即其子

官同地同

寫出藹然

忠孝之思

隱爲其父

忠孝寄象

收映入神

趁點作碑

銘詳世胄

補序所及

王八句括成

七句助其

東都王坐南方北向落其角距賊死咋不能入寸尺亡將卒十萬盡輸其南
州王始政於溫終政於襄恆平物估賤斂貴出民用有經一吏軌民使令家
聽戶視姦宄無所宿府中不聽急步疾呼治民用兵各有條次世傳爲法任
馬彝將愼將鐸將潛偕盡其力能薨贈右僕射元和初以子道古在朝更贈
太子太師道古進士司門郎刺利隨唐睦徵爲少宗正兼御史中丞以節督
黔中朝京師改命觀察鄂岳蘄沔安黃提其師以伐蔡且行泣曰先王討蔡
實取沔蘄安黃寄惠未亡今余亦受命有事於蔡而四州適在吾封庶其有
集先王薨於今二十五年吾昆弟在而墓碑不刻無文其實有待子無用辭
乃序而詩之辭曰

太支十三曹於弟季或亡或微曹始就事曹之祖王畏塞絕遷零王黎公不
聞僅存子父易封三王守名延延百載以有成王成王之作一自其躬文被
明章武薦峻功蘇枯弱彊齟其姦猖以報於宗以昭於王王亦有子處王之
所惟舊之視蹶蹶陞陞實取實似刻詩其碑爲示無止

註釋

傳五王

高宗永隆時明坐與太子竇通謀降封零陵王徙黔州都督謝祐逼殺之三子俊
傑備俊嗣王旋俊傑并遇害中宗神龍時以傑子胤爲嗣曹王後備自南還詔停

幸梁今河南開封縣建中四年李希烈陷汴州尊今河南鄭縣宋今河南商邱縣陳今河南淮陽縣汝今河南臨汝縣東都今河南洛陽縣昨音窄聲大也

馬彝彝時掌幕府故不言將將愼姓伊字寡將錡姓王字昆將潛即李伯潛利隨唐睦並唐州名利隨

見前唐今河南此源縣睦今浙江建德縣道古歷爲四州刺史黔中唐時屬江南道今湖南地元和八年道古充黔中觀察鄂岳蕲沔安黃鄂今湖北武昌縣岳今湖北

南岳陽縣蕲見前河今湖北漢陽縣安見前黃今湖北黃岡縣元和十一年道古爲六州都團練觀察使蔡今河南汝陽縣時討吳元濟吾昆弟在皇三子象古復古道古

太支十三太宗十三子三早卒二貶死零王黎公零陵王俊黎國公傑皆爲武后所殺子父易封指胤與備見傳五王註三王守

名指備胤戡齷音惡齷也蹶蹶敏也陛陛陛卑也高卑也

韓退之清邊郡王楊燕奇碑

先叙家世

次叙辭親從君

此下叙功績動階

公諱燕奇字燕奇弘農華陰人也。大父知古祁州司倉烈。考文誨。天寶中實爲平盧衙前兵馬使。位至特進檢校太子賓客。封宏農郡開國伯。世掌諸蕃互市。恩信著明。夷人慕之。祿山之亂。公年幾二十。進言於其父曰。大人守官宜不得去。王室在難。某其行矣。其父爲之請於戎帥。遂率諸將校之子弟各一人。間道趨闕。變服詭行。日倍百里。天子嘉之。特拜左金吾衛大將軍員外置。賜勳上柱國。寶應二年春。詔從僕射田公平劉展。又從下河北。大歷八年。帥師納戎帥勉於滑州。九年。從朝於京師。建中二年。城汴州。功勞居多。三年。

傲春秋經
出入史記
樊鄧夏侯
嬰等傳

此下總叙
其賢能

括事上句
舉一節實
之兼詳復
姓本末叙
此下均叙
家事

逸韻

從攻李希烈先登貞元二年從司徒劉公復汴州十二年與諸將執以城叛者歸之於京師事平授御史大夫食實封百戶贈彩繪有加十四年年六十一五月某日終於家自始命左金吾大將軍凡十五遷爲御史大夫職爲節度押衙右廂兵馬使兼馬軍先鋒兵馬使階爲特進勳爲上柱國爵爲清邊郡王食虛邑自三百戶至三千戶眞食五百戶終焉公結髮從軍四十餘年敵攻無堅城守必完履危蹈難歔歔感發乘機應會捷出神怪不畏義死不榮幸生故其事君無疑行其事上無間言初僕射田公其母隔於冀州公獨請往迎之經營賊城出入死地卒致其母田公德之約爲父子故公始姓田氏田公終而後復其族焉嗣子通王屬良禎以其年十月庚寅葬公於開封縣魯陵岡隴西郡夫人李氏祔焉夫人清夷郡太守佑之孫漁陽郡長史獻之女柔嘉淑明先公而殂有男四人女三人後夫人河南郡夫人雍氏某官之孫某官之女有男一人女二人咸有至性純行夫人同仁均養親族不知異焉君子於是知楊公之德又行於家也銘曰

烈烈大夫逢時之虞感泣辭親從難於秦惟茲爰始遂勤其事四十餘年或

裨或專攻牢保危爵位已躋既明且慎終老無隳魯陵之岡蔡河在側烝烝孝子思顯勳績斲石於此式垂後嗣

註釋

華陰

今陝西華陰縣

天寶

見蘇子由唐論

弘農

今河南靈寶縣

互市

與外夷通商也

祿山之亂

天寶十四年安祿山反

按燕

奇時年十八

寶應

唐肅宗年號

田公

平盧兵馬使田神功也

劉展

宋州刺史上元元年劉展赴揚州長史登景山以兵拒之爲展所敗進陷楊潤昇等州二年正月平盧兵馬使

田神功生擒展楊潤平按碑作寶應誤

大歷

見張中丞傳書後

滑州

今河南滑縣

建中

見禘

汴州

今河南開封縣

從攻李希烈

貞元

四年十二月李希烈陷汴州與元元年十一月宋毫節度使劉洽大破希烈之衆希烈遁歸蔡州汴州平按碑云貞元二年誤

冀州

唐州今直隸正定境

隴西

見鼂錯言兵事書

漁

陽

今直隸密雲縣

韓退之唐故相權公墓碑

叙受姓之始

叙籍貫

叙世系祖父

上之元和六年其相曰權公諱德輿字載之其本出自殷帝武丁武丁之子降封於權權江漢間國也周衰入楚爲權氏楚滅徙秦而居天水略陽苻秦之王中國其臣有安邱公翼者有大臣之言後六世至平涼公文誕爲唐上庸太守荊州大都督長史焯有聲烈平涼曾孫諱倕贈尙書禮部郎中以藝學與蘇源明相善卒官羽林軍錄事參軍於公爲王父郎中生贈太子太保諱皋以忠孝致大名去官累以官徵不起追諡貞孝是實生公公在相位三

略叙文公
晚節諡法

好學祥順
四字是眼
目因上文
居喪故帶
孝敬二字
斥小人以
助君子是
其所以爲
祥順處
是好學得
力處

極寫爲相
之祥順所
以謂之道
德人

又是好學
得力處

年其後以吏部尙書授節鎮山南年六十以薨贈尙書左僕射諡文公公生
三歲知變四聲四歲能爲詩七歲而貞孝公卒來弔哭者見其顏色聲容皆
相謂權氏世有其人及長好學孝敬祥順貞元八年以前江西府監察御史
徵拜博士朝士以得人相慶改左補闕章奏不絕譏排姦倖與陽城爲助轉
起居舍人遂知制誥凡撰命詞九年以類集爲五十卷天下稱其能十八年
以中書舍人典貢士拜尙書禮部侍郎薦士於公者其言可信不以其人布
衣不可用即不可信雖大官勢人交言一不以綴意奏廣歲所取進士明經
在得人不以員拘轉戶兵吏三曹侍郎太子賓客復爲兵部遷太常卿天下
愈推爲鉅人長德時天子以爲宰相宜參用道德人因拜禮部尙書同中書
門下平章事公旣辭謝不許其所設張舉措必本於寬大以幾教化多所助
與維匡調娛不失其正中於和節不爲聲章因善與賢不矜主己以吏部尙
書留守東都諸師有利病不能自請者公常與疏陳不以露布復拜太常轉
刑部尙書考定新舊令式爲三十編舉可長用其在山南河南勤於選付治
以和簡人以寧便以疾求還十三年某月甲子道薨於洋之白草奏至天子

卒葬

收上文亦以祥順導其君

收上文典貢士得人

收上文好學

詆訶事誌中不及

應人無嫉忌

應効裴延齡救于頔人應上道德人句

痾傷爲之不御朝郎官致贈錫官居野處上下弔哭皆曰善人死矣某年某月日葬河南北山在貞孝東五里公由陪屬升列年除歲遷以至公宰人皆喜聞若已與無有忌嫉者于頔坐子殺人失位自囚親戚莫敢過門省顧朝莫敢言者公將留守東都爲上言曰頔之罪既貫不竟宜因賜寬詔上曰然公爲吾行諭之頔以不憂死前後考第進士及庭所策試士踵相躡爲宰相達官與公相先後其餘布處臺閣外府凡百餘人自始學至疾未病未嘗一日去書不觀公既以能爲文辭擅聲於朝多銘卿大夫功德然其爲家不視簿書未嘗問有無費不俯餘公娶清河崔氏女其父造嘗相德宗號爲名臣既葬其子監察御史璩纍然服喪來有請乃作銘文曰

權在商周世無不存滅楚徙秦嬴劉之門甘泉始侯以及安邱詆訶浮屠皇極之扶貞孝之生鳳鳥不至爵位豈多半塗以稅壽考豈多四十而逝惟其不有以惠厥後是生相君爲朝德首行世祖之文世師之流連六官出入屏毘無黨無仇舉世莫疵人所憚爲公勇爲之其所競馳公絕不窺孰克知之德將在斯刻詩墓碑以永厥垂

註釋

武丁

商高祖也。權故城在湖北當陽縣。

天水

見漢光武帝賜寶融璽書。

略陽

今甘肅秦安縣。

苻秦

苻堅據臨渭。國號曰秦。

翼

字子良，略陽人。為苻堅謀主，封安邱公。堅伐晉，翼力諫不從，堅遂大敗。

源明

京兆人，初名預，字弱夫。肅宗時，為祕書少監。

皋

字士繇，天寶末，安祿山為河北按察使，表皋為從事，察祿山有異志，詐死，奉其母南去，及渡江，祿山已反，由是名聞天下。代宗徵皋為起居舍人，以疾辭。李季卿奏皋節行，改著作郎，復不起。

授節鎮山南

元和十一年，以德興檢校吏部尚書，充山南西道節度使。

陽城

見爭臣論。

于頔

字允元，元和七年，頔使其子敏重賂梁正言，求出鎮，正言詐漸露，敏索其賂，不得，誘其奴支解之，棄渠中，事覺，頔與諸子素服待罪。

恃

音雉

璩

字大珪。

詆訶

浮屠

苻堅嘗遊東苑，命沙門道安同行，進止有度，道安毀形賤士，不宜參機神與。

六官

吏、戶、禮、兵、刑、工六部也。

韓退之贈太尉許國公神道碑

觀弘本傳及李光顏傳載弘以絮問撓光顏事與誌正相反退之諛墓亦已甚矣而文則雄偉首尾無一字懈精神奕然

韓姬姓以國氏其先有自穎川徙陽夏者其地於今為陳之太康太康之韓其稱蓋久然自公始大著公諱弘公之父曰海為人魁偉沈塞以武勇游仕許汴之間寡言自可不與人交衆推以為鉅人長者官至遊擊將軍贈太師娶鄉邑劉氏女生公是為齊國太夫人夫人之兄曰司徒玄佐有功建中貞元之間為宣武軍帥有汴宋毫穎四州之地兵士十萬人公少依舅氏讀書

此文專記弘為汴帥事凡為帥以前所紀皆為得立為帥張本無歧出者可以為法

功字必誤
或是官字
年是
以上皆紀
所以得爲
汴帥故下
績乃其功
河南無事
四字遠則
暗引師道
事近則明
領誅鏢事

習騎射。事親孝謹。侃侃自將。不縱爲子弟華靡遨放事。出入恭敬。軍中皆目之。嘗一抵京師。就明經試。退曰。此不足發名成業。復去從舅氏學。將兵數百人。悉識其材。鄙怯勇。指付必堪其事。司徒歎奇之。士卒屬心。諸老將皆自以爲不及。司徒卒。去爲宋南城將。比六七歲。汴軍連亂不定。貞元十五年。劉逸淮死。軍中皆曰。此軍司徒所樹。必擇其骨肉爲士卒所慕賴者付之。今見在人。莫如韓甥。且其功最大。而材又俊。卽柄授之。而請命於天子。天子以爲然。遂自大理評事拜工部尙書。代逸淮爲宣武軍節度使。悉有其舅司徒之兵。與地。衆果大悅。便之。當此時。陳許帥曲環死。而吳少誠反。自將圍許。求援於逸淮。啗之以陳歸汴。使數輩在館。公悉驅出斬之。選卒三千人。會諸軍擊少誠。許下。少誠失勢以走。河南無事。公曰。自吾舅歿。五亂於汴者。吾苗薈而髮。櫛之幾盡。然不一揃刈。不足令震駭。命劉鏐以其卒三百人待命於門。數之以數。與於亂。自以爲功。并斬之以徇。血流波道。自是訖公之朝京師。廿有一年。莫敢有譴呶叫號於城郭者。李師古詐言起事。屯兵於曹。以嚇滑師。且告假道。公使謂曰。汝能越吾界而爲盜邪。有以相待。無爲空言。滑師告急。公使

謂曰。吾在此。公無恐。或告曰。翦棘夷道。兵且至矣。請備之。公曰。兵來不除道也。不爲應。師古詐窮變索。遷延旋軍。少誠以牛皮鞵材遣師古。師古以鹽資少誠。潛過公界。覺皆留。輸之庫。曰。此於法不得以私相餽。田弘正之開魏博。李師道使來告曰。我代與田氏約相保援。今弘正非其族。又首變。兩河事亦公之所惡。我將與成德合軍討之。敢告。公謂其使曰。我不知利害。知奉詔行事耳。若兵北過河。我卽東兵以取曹。師道懼不敢動。弘正以濟誅吳元濟也。命公都統將軍。曰。無自行以遏北寇。公請使子公武以兵萬三千人會討蔡。下歸財與糧以濟諸軍。卒擒蔡姦。於是以公爲侍中。而以公武爲鄆坊丹延節度使。師道之誅。公以兵東下。進圍考城。克之。遂進迫曹。曹寇乞降。鄆部既平。公曰。吾無事於此。其朝京師。天子曰。大臣不可以暑行。其秋之待。公曰。君爲仁。臣爲恭。可矣。遂行。既至。獻馬三千匹。絹五十萬。他綿紈綺纈又三萬。金銀器千。而汴之庫廩錢以貫數者。尙餘百萬。絹亦合百餘萬匹。馬七千。糧三百萬斛。兵械多至不可數。初公有汴。承五亂之後。掠賞之餘。且斂且給。恆無宿儲。至是公私充塞。至於露積不垣。冊拜司徒兼中書令。進見上殿。拜跪給。

通篇依次
順序而其
人之性情
才畧則總
括於末此
近代史家
作傳之法
例非史漢
舊法

扶贊元經體不治細微。天子敬之。元和十五年。今天子即位。公爲冢宰。又除
河中節度使。在鎮三年。以疾乞歸。復拜司徒中書令。病不能朝。以長慶二年
十二月三日薨於永崇里第。年五十八。天子爲之罷朝三日。贈太尉。賜布粟。
其葬物有司官給之。京兆尹監護。明年七月某日。葬於萬年縣少陵原。京城
東南三十里。楚國夫人翟氏附。子男二人。長曰肅元。某官。次曰公武。某官。肅
元早死。公之將薨。公武暴病先卒。公哀傷之。月餘。遂薨。無子。以公武子孫紹
宗爲主後。汴之南則蔡。北則鄆。二寇患公居間。爲己不利。卑身佞辭。求與公
好。薦女請昏。使日月至。既不可得。則飛謀釣誘。以間染我公。先事候情。壞其
機牙。姦不得發。王誅以成。最功定次。孰與高下。公子公武。與公一時俱授弓
鉞。處藩爲將。疆土相望。公武以母憂去鎮。公母弟充。自金吾代將渭北。公以
司徒中書令治蒲。於時弟充。自鄭滑節度平宣武之亂。以司空居汴。自唐以
來。莫與爲比。公之爲治嚴。不爲煩。止除害本。不多教條。與人必信。吏得其職。
賦入無所漏失。人安樂之。在所以富。公與人有畛域。不爲戲狎。人得一笑語。
重於金帛之賜。其罪殺人。不發聲色。問法何如。不自爲輕重。故無敢犯者。銘。

曰

銘辭皆括
墓誌中語
爲之無取
之誌外者
方望溪之
言殊未可
泥

在貞元世。汴兵五獠。將得其人。衆乃一。謁其人爲誰。韓姓許公。磔其梟狼。養以雨風。桑穀奮張。厥壤大豐。貞元元孫。命正我宇。公爲臣宗。處得地所。河流兩壩。盜連爲羣。雄倡雌和。首尾一身。公居其間。爲帝督姦。察其嘖呻。與其睨眊。左顧失視。右顧而踞。蔡先鄆鉏。三年而墟。槁乾四呼。終莫敢濡。常山幽都。孰陪孰扶。天施不留。其討不逋。許公預焉。其資何如。悠悠四方。旣廣旣長。無有外事。朝廷之治。許公來朝。車馬干戈。相乎將乎。威儀之多。將則是己。相則三公。釋師十萬。歸居廟堂。上之宅憂。公讓太宰。養安蒲坂。萬邦絕等。有弟有子。提兵守藩。一時三侯。人莫敢攀。生莫與榮。歿莫與令。刻文此碑。以鴻厥慶。

註釋

韓姬姓

韓姓出自唐叔虞之後。曲沃桓叔之子萬。食邑於韓。因以爲氏。

潁川

今河南開封縣境。

太康

今河南太康縣。秦滅韓。以其地爲潁川郡。陽夏。隋改

爲太

康許

今河南許昌縣。王碑。

司徒立佐

司徒官名。立佐姓劉。滑州匡城人。

建中貞元

並唐德宗年號。

宋

今河南商邱縣。安

徽毫

今安徽阜陽縣。

侃侃

音侃。不干虛譽也。

爲宋南城將

貞元八年。立佐卒。以其子士寧代爲使。九年軍亂。逐士寧。以副使李萬榮爲使。弘治爲宋州南城將。

劉逸淮

懷州武涉人。後賜名全諒。

韓甥

即韓弘。

曲環

陝州安邑人。

吳少誠

幽州潞人。於貞元十四年反。

啗

音啗。以利誘人也。

苗彥

蒿。拔去田草也。苗。薶而以髮飾之。

摘艾

摘音翳。與駭猶翳也。駭同。

李師古

李納子。時德宗崩。告哀使未至。諸道義成節度使李元素。密以遺詔示師古。師古欲乘國喪。噬鄰境。

乃集將士謂曰聖上萬福而元素忽傳遺詔是反也田弘正本名興賜名弘正字安道魏博治魏州屬河北道初田懷諫幼弱軍政皆決於家僮蔣士則衆皆憤怒田與晨入府士卒大譟環拜請爲

留後尋詔以興爲魏博節度使李師道師古異母弟成德治恒州今直隸正定縣北時王承宗爲成德節度使命公都統諸軍元和十年以弘充淮西行

營都統使公武字從偃師道之誅元和十三年詔諸道發兵討李師道四年平盧都將劉悟執李師道斬之今天子指穆宗長慶唐穆宗年

號萬年縣屬關內道今陝西咸寧縣充本名自執金吾代將渭北充初爲右金吾衛將軍元和十五年充代公武鎮渭北蒲今山

縣以司空居汴長慶二年汴州逐節度李愿立牙將李昇爲留後充自義成節度使徙鎮宣武旋汴州監軍斬昇降充入汴加充檢校司空獠狂犬也惕與同磔

裂也貞元元孫貞元皇帝之孫憲宗孺音蠕河邊地也睨音詣荀邪視也常山幽都常州成德軍幽州也蒲坂在今山西永濟

縣元和十五年出鎮河中

韓退之清河郡公房公墓碣銘

依次序述是東漢以來刻石文體但出韓公手自然簡古清峻其筆力不

可強幾也

首叙先世

公諱啓字某河南人其大王父融王父瑄仍父子爲宰相融相天后事遠不

大傳瑄相玄宗肅宗處艱難中與道進退薨贈太尉流聲於茲父乘仕至祕

書少監贈太子詹事公胚胎前光生長食息不離典訓之內目濡耳染不學

以能始爲鳳翔府叅軍尙少人吏迎觀望見咸曰眞房太尉家子孫也不敢

次叙歷官

三叙經略
容桂

末叙致貶
之由

弄以事轉同州澄城丞。益自飾理。同官憚伏。衛晏使嶺南黜陟。求佐得公。擢
摘良姦。南士大喜。還推昭應主簿。裴胄領湖南。表公爲佐。拜監察御史。部無
遺事。胄遷江西。又以節鎮江陵。公亦隨遷佐胄。累功進至刑部員外郎。賜五
品服。副胄使事爲上介。上聞其名。徵拜虞部員外。在省籍籍。遷萬年令。果辯
傲絕。貞元末。王叔文用事。材公之爲。舉以爲容州經略使。拜御史中丞。服佩
視三品。管有嶺外十三州之地。林蠻洞蜒。守條死要。不相漁劫。稅節賦時。公
私有餘。削衣貶食。不立資遺。以班親舊朋友爲義。在容九年。遷領桂州。封清
河郡公。食邑三千戶。中人使授命書。應待失禮。客主違言。徵貳太僕。未至。貶
虔州長史。而坐使者。以疾卒官。年五十九。其子越能輯父事。無失。謹謹致孝。
既葬。碣墓請銘。銘曰。
房氏二相。厥家以聞。條葉被澤。況公其孫。公初爲吏。亦以門庇。佐使於南。乃
始已致。既辦萬年。命屏容服。公緒卓殊。氓獠循業。維不順隨。失署亡資。非公
之怨。銘以著之。

註釋

融武后時以正諫大夫 琯字次

天后

唐高宗后

玄宗

唐睿宗子

肅宗

玄宗子

擣音乳

鳳翔